


Bosna i Hercegovina
Federacija Bosne i Hercegovine
KANTON SARAJEVO
Ministarstvo unutrašnjih poslova



Босна и Херцеговина
Федерација Босне и Херцеговине
КАНТОН САРАЈЕВО
Министарство унутрашњих послова

Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-14-4-6128/18
Datum: 23.08.2019. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16), člana 14. i 70. Zakona o javnim nabavkama („Službeni glasnik BiH”, broj 39/14) u ponovnom postupku javne nabavke „Namjenskih ormara i klupa za svlačionicu za potrebe Uprave policije, Ministarstva unutrašnjih poslova Kantona Sarajevo“ - otvoreni postupak, ministar unutrašnjih poslova Kantona Sarajevo d o n o s i:

O D L U K U

o izboru ponuđača u postupku javne nabavke „Namjenskih ormara i klupa za svlačionicu za potrebe Uprave policije, Ministarstva unutrašnjih poslova Kantona Sarajevo”

I

Na osnovu Odluke broj 01-14-4-6128 od 06.09.2018. godine i Obavještenja o nabavci broj 1364-1-1-44-3-35/18 od 22.10.2018. godine proveden je otvoreni postupak javne nabavke „Namjenskih ormara i klupa za svlačionicu za potrebe Uprave policije Ministarstva unutrašnjih poslova Kantona Sarajevo”

U ponovnom postupanju ovog organa, u vezi sa Rješenjem Ureda za razmatranje žalbi, filijala Mostar, broj JN2-03-07-1-1269-7/19 od 20.06.2019. godine, Komisija za javne nabavke Ministarstva je, postupajući po uputama iz istog, primjenjujući kriterij “najniža cijena”, a prema Zapisniku o pregledu i ocjeni ponuda u ponovnom postupku od 19.08.2019.godine dala preporuku da se donese Odluka o dodijeli ugovora ponuđaču “BOSNA - KOM” d.o.o. Gračаница sa ukupnom cijenom ponude od 60.758,10 KM sa PDV-om.

II

Ova Odluka stupa na snagu danom donošenja.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



Obrazloženje

Dana 06.09.2018. godine od strane ovog Ministarstva donesena je Odluka broj 01/14-4-6128 kojom je pokrenut postupak javne nabavke "Nabavka namjenskih ormara i klupa za svlačionicu za potrebe Uprave policije, Ministarstva unutrašnjih poslova Kantona Sarajevo".

Povodom navedene Odluke sačinjena je Tenderska dokumentacija i objavljeno Obavještenje o nabavci broj 1364-1-1-44-3-35/18 od 22.10.2018. godine na portalu javnih nabavki.

Prema Obavještenju o nabavci i Tenderskoj dokumentaciji ponude su otvorene 20.11.2018. godine u 12:00 sati.

Dana 29.11.2018. godine izvršena je ocjena i pregled ponuda o čemu je sačinjen i zapisnik te je donesena i Odluka o izboru ponuđača "MIRA-MAR"d.o.o Foča, broj 01-14-4-6128/18 od 29.11.2018. godine.

Po uloženoj žalbi na predmetnu odluku o izboru broj gornji, izjavljenoj od strane ponuđača „BOSNA KOM“ d.o.o. Gračanica ovaj ugovorni organ donosi Odluku o poništenju postupka broj 01-14-4-6128/18 od 12.12.2018. godine. Imajući u vidu da je isti ponuđač i na odluku o poništenju postupka uložio žalbu ugovorni organ je sačinio detaljno izjašnjenje na žalbu koju je, sa prijedlogom da se žalba odbije i potvrdi odluka o poništenju, proslijedio Uredu za razmatranje žalbi.

Rješenjem Ureda za razmatranje žalbi broj JN2-03-07-1-1799-9/18 od 31.01.2019. godine usvaja se žalba ponuđača „BOSNA KOM“ d.o.o. Gračanica i poništava Odluka o poništenju postupka broj 01-14-4-6128/18 od 12.12.2018. godine, te predmet vraća prvostepenom organu na ponovni postupak.

U ponovnom postupku zbog isteka roka važnosti ponuda donesena je Odluka o poništenju predmetnog postupka javne nabavke broj 01-14-4-6128/18 od 12.03.2019. godine.

Po uloženoj žalbi od strane ponuđača "BOSNA KOM" d.o.o. Gračanica na Odluku o poništenju od 12.03.2019. godine ugovorni organ je dana 01.04.2019. godine pod brojem 01-14-4-6128/18 sačinio detaljno izjašnjenje te isto zajedno sa žalbom i ostalom pratećom dokumentacijom dostavio na razmatranje nadležnom Uredu za razmatranje žalbi sa prijedlogom da potvrdi Odluku o poništenju postupka i odbije žalbu.

Dana 22.07.2019. godine je od strane ponuđača "BOSNA-KOM" d.o.o. Gračanica dostavljen akt broj 113-12/19 od 19.07.2019. godine u kojem je navedeno da se produžava rok važenja ponude do okončanja postupka predmetne nabavke.

Ured za razmatranje žalbi svojim rješenjem broj JN2-03-07-1-823-7/19 od 25.04.2019. godine usvaja žalbu i poništava Odluku o poništenju postupka, broj gornji te predmet vraća ugovornom organu na ponovno postupanje.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



Komisija za javne nabavke ovog organa je stoga u ponovnom postupku, dana 03.05.2019. godine, sveobuhvatno razmotrila stavove Ureda navedene u Rješenju te je izvršila uvid u plan javne nabavke za 2019 godinu za ovo Ministarstvo u skladu sa čime je predložila da se donese Odluka o otkazu postupka javne nabavke jer predmetna javna nabavka nije planirana u Budžetu za 2019. godinu, odnosno nije sadržana u Planu nabavki za 2019. godinu.

Po tom osnovu je donesena Odluka o otkazu postupka javne nabavke" Namjenskih ormara i klupa za svlačionicu za potrebe Uprave policije, Ministarstva unutrašnjih poslova Kantona Sarajevo, broj 01-14-4-6128/18 od 08.05.2019. godine koja je redovnim putem zajedno sa zapisnikom dostavljena ponuđačima.

Na predmetnu odluku ponuđač „BOSNA-KOM“ d.o.o Gračanica ulaže žalbu broj 04-02/19 na koju ovaj ugovorni organ sačinio izjašnjenje broj 01-14-4-6128/18 od 23.05.2019. godine te isto zajedno sa žalbom i priložima dostavio Uredu za razmatranje sa prijedlogom da se žalba odbije i potvrdi Odluka o otkazu postupka javne nabavke broj 01-14-4-6128/18 od 08.05.2019. godine.

Dana 24.06.2019.godine na adresu ugovornog organa zaprimljeno je Rješenje Ureda za razmatranje žalbi broj JN2-03-07-1-1269-7/19 od 20.06.2019.godine kojim se usvaja žalba ponuđača i predmet vraća ugovornom organu na ponovni postupak.

U ponovnom postupku posebno su cijenjene upute date u istom rješenju Ureda za razmatranje žalbi kao i izneseni stav ureda da ugovorni organ ne može otkazati postupak javne nabavke iz razloga ne postojanja sredstava za realizaciju istih odnosno da u ovom slučaju ne postoje opravdani razlozi za otkazivanje postupka javne nabavke koji su izvan kontrole ugovornog organa, te da je ugovorni organ prilikom planiranja morao imati osigurana sredstva za provođenje postupka javne nabavke i računati i na mogućnost ulaganja žalbe te nije prihvatio razlog otkazivanja postupka javne nabavke kao opravdan i vratio je predmet ugovornom organu na ponovno postupanje sa napomenama u rješenju u vezi sa odredbama Zakona o javnim nabavkama kojim se propisuje novčana kazna za prekršaj ukoliko se ne izvrši rješenje Ureda za žalbe.

U ponovnom postupku izvršen je uvid u Zapisnik o ocjeni ponuda od 29.11.2018. godine kao i u svu dostavljenu dokumentaciju uz ponude ponuđača koji su uzeli učešće u ovom postupku javne nabavke

Cijeneći naprijed navedeno, Komisija za javne nabavke Ministarstva u ponovnom postupku pristupa i ponovnom pregledu i kvalifikaciji ponuda te nakon analize i pregleda svih ponuda kvalifikovane su ponude ponuđača redosljedom kako slijedi:

Ponuda ponuđača "BOSNA - KOM" d.o.o. Gračanica - Cijena ponude je 51.930,00 KM bez PDV-a, obračunati PDV je 8.828,10 KM, odnosno ukupna cijena ponude sa PDV-om je 60.758,10 KM.

Ponuda ponuđača "SALON BANKARSKE OPREME" d.o.o. Sarajevo - Cijena ponude je 52.317,00 KM bez PDV-a, obračunati PDV je 8.893,89 KM, odnosno ukupna cijena ponude sa PDV-om je 61.210,89 KM.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



U ponovnom postupku iz razloga detaljno obrazloženih u Zapsiniku o ocjeni ponuda od 19.08.2019. godine nisu kvalifikovane sljedeće ponude ponuđača:

- ponuda ponuđača "ADUT PLUS" d.o.o. Banja Luka - Cijena ponude je 43.711,00 KM bez PDV-a, obračunati PDV je 7.430,87 KM, odnosno ukupna cijena ponude sa PDV-om je 51.141,87 KM i
- ponuda ponuđača "MIRA MAR" d.o.o. Foča - Cijena ponude je 32.796,00 KM bez PDV-a, obračunati PDV je 5.575,32 KM, odnosno ukupna cijena ponude sa PDV-om je 38.371,32 KM.

Nakon kvalifikacije dostavljenih ponuda u ponovnom postupku je izvršen uvid i u Odluke upravnog organa donešene u ovom postupku, navode iz obrazloženja istih, žalbene navode i izjašnjenja ugovornog organa kao i sve ostale priloge koji čine sastavni dio ovog predmeta javne nabavke.


Sve prethodno navedeno cijenjeno je posebno u kontekstu uputa Ureda za razmatranje žalbi navedenih u svom rješenju od 20.06.2019. godine dovodeći iste u vezu i sa stavovima Ureda za razmatranje iznesenim u rješenjima od 25.04.2019. godine i 31.01.2019. godine.

Vodeći se naprijed pomenutim Komisija za javne nabavke ovog Ministarstva jednoglasno predlaže ministru da se donese Odluka o izboru najpovoljnijeg ponuđača u ovom postupku javne nabavke.

Cijeneći naprijed navedeno donesena je odluka kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba koja se podnosi Ministarstvu unutrašnjih poslova Kantona Sarajevo u roku od 10 (deset) dana od dana prijema, a u skladu sa članom. 99. i članom 101. stav (1) Zakona o javnim nabavkama.



Dostaviti:

1. Upravi podrške;
2. Komisiji za nabavke;
3. Kabinet ministra-stručnom savjetniku za odnose sa javnošću;
4. Ponuđačima u postupku javne nabavke i
5. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

